



চট্টগ্রাম বন্দর কর্তৃপক্ষ

বন্দর ভবন, চট্টগ্রাম-৪১০০

www.cpa.gov.bd

বিষয়ঃ- দেশের করোনা পরিস্থিতির কারণে মন্ত্রীপরিষদ বিভাগ হতে ১২ এপ্রিল ২০২১ইং তারিখে ১২০নং স্মারক পত্রের প্রেক্ষিতে চট্টগ্রাম বন্দর কর্তৃপক্ষের গৃহীত পদক্ষেপ এর উপর অনুষ্ঠিত সভার কার্যবিবরণীঃ

সভাপতিঃ রিয়ার এডমিরাল এম শাহজাহান, এনপিপি, বিসিজিএমএস, এনডিসি, পিএসসি, চেয়ারম্যান, চট্টগ্রাম বন্দর কর্তৃপক্ষ।

তারিখঃ - ১৩/০৪/২০২১ইং।

সময়ঃ- সকাল ১১.০০ ঘটিকা।

স্থানঃ- চবক কনফারেন্স রুম, ৫ম তলা।

সভায় উপস্থিত কর্মকর্তাদের তালিকাঃ পরিশিষ্ট 'ক'।

আলোচনাঃ

সভায় উপস্থিত সকলকে স্বাগত জানিয়ে সভার কার্যক্রম শুরু করা হয়। করোনাকালীন সবাইকে মাস্ক পরিধান করে ও সামাজিক দূরত্ব মেনে সুস্থ থাকার আহ্বান জানানো হয়। সরকারি নির্দেশনার সাথে সমন্বয় করে বন্দরের কার্যক্রমকে চালু রাখতে সবাইকে এক হয়ে কাজ করার অনুরোধ জানানো হয়।

পরিচালক(প্রশাসন), চবক এর ১২/০৪/২০২১ইং তারিখের ৪৬/২০২১ নং দপ্তরাদেশ সভায় পড়ে শোনানোর জন্য পরিচালক(প্রশাসন)-কে অনুরোধ জানানো হয় এবং কিভাবে তা সকলের সমন্বয়ে বাস্তবায়ন করা হবে সে বিষয়ে বিস্তারিত দিক নির্দেশনা আলোচনা করা হয়। সভায় গৃহীত সিদ্ধান্ত সমূহ নিম্নরূপঃ

ক) জরুরী পরিষেবা বিবেচনায় চট্টগ্রাম বন্দরের অপারেশনাল কার্যক্রম ২৪/৭ চালু থাকবে;

খ) চট্টগ্রাম বন্দরের নৌ-বিভাগ বন্দরে আগত জাহাজের জন্য পাইলটিং সার্ভিস যথারীতি চালু রাখবে। তবে IMO এবং WHO ঘোষিত পদ্ধতি অনুসারে জাহাজের নাবিকদের কোয়ারেন্টাইন এর ব্যবস্থা গ্রহণ করে জাহাজ বার্থিং প্রদান করবে। এছাড়া ভিটিএমআইএস ও ভিটিএসএস সার্বক্ষণিক সচল রাখবে;

গ) পরিবহন বিভাগ বন্দরে আগত জাহাজ সমূহে পণ্যের উঠানামার সমস্ত কার্যক্রম ২৪/৭ সম্পাদন করবে এবং ন্যূনতম জনবল দিয়ে কাস্টম বিভাগ কর্তৃক প্রদত্ত ক্রিয়ারেঙ্গ এর পূর্ণ দ্রুততার সাথে পণ্য ডেলিভারীর ব্যবস্থা গ্রহণ করবে;

ঘ) চট্টগ্রাম বন্দরের নিরাপত্তা বিভাগ বন্দরের নিরাপত্তা সংক্রান্ত যাবতীয় কার্যক্রম ২৪/৭ গ্রহণ করবে;

ঙ) চট্টগ্রাম বন্দর হাসপাতালের সেবা কার্যক্রম সার্বক্ষণিকভাবে চালু থাকবে। চীফ মেডিক্যাল অফিসার প্রয়োজন অনুযায়ী চিকিৎসক ও নার্সদের রোটার দায়িত্ব বন্টন করবেন এবং জরুরি ঔষধ, পর্যাপ্ত অক্সিজেন সিলিন্ডার মজুদ, এ্যাম্বুলেন্সসহ অন্যান্য সুবিধাদি সার্বক্ষণিকভাবে প্রস্তুত রাখবেন এবং পর্যাপ্ত কোভিড টেস্টের ব্যবস্থা করবেন;

চ) যান্ত্রিক বিভাগ বন্দরের সকল যন্ত্রপাতির সার্বক্ষণিক সচল/ চলমান রাখার নিশ্চয়তা বিধান করবে এবং প্রয়োজনীয় ন্যূনতম জনবল বিভিন্ন ওয়ার্কশপে দায়িত্ব পালনের জন্য প্রস্তুত রাখবে। এছাড়া প্রতিদিন প্রয়োজনীয় সংখ্যক ইসিএম চালককে দায়িত্ব পালনের জন্য সার্বক্ষণিক প্রস্তুত রাখবে। গণপরিবহন বন্ধের সময় যান্ত্রিক বিভাগ সিডিউল করে বিভিন্ন শিফটে কর্মরত কর্মকর্তা-কর্মচারীদের পরিবহনের ব্যবস্থা করবে;

ছ) বিদ্যুৎ বিভাগ ২৪/৭ চট্টগ্রাম বন্দরের অভ্যন্তরে অপারেশনাল এরিয়াসহ সকল পয়েন্টে নিরবচ্ছিন্ন বিদ্যুৎ সরবরাহ নিশ্চিত করবে;

জ) চট্টগ্রাম বন্দরের ফায়ার সার্ভিস টিম যথারীতি ২৪/৭ দায়িত্ব পালনের জন্য প্রস্তুত থাকবে;

ঝ) সিস্টেমস এনালিস্ট, চবক বন্দরের সিটিএমএস এবং আইসিটি বেইজড সুবিধাদি সচল রাখবে;

ঞ) পুরকৌশল বিভাগ বিভিন্ন সেবা প্রদানের জন্য একটি ইমার্জেন্সি রেসপন্স টিম প্রস্তুত রাখবে। টিমের মোবাইল নম্বর, ই-মেইল ঠিকানা ইত্যাদি পরিচালক (প্রশাসন), চবক এর নিকট প্রেরণ করবে;

ট) বন্দরের অভ্যন্তরে/বাইরে করোনা পরিস্থিতি সংক্রান্ত বিষয়ে প্রধান চিকিৎসা কর্মকর্তা, চবক ও পোর্ট হেলথ অফিসার, ডাক্তার মোঃ জাবেদ (মোবাইল নম্বর-০১৭১১-৪৪৮৪৩৫) এর সাথে যোগাযোগ রক্ষা করবেন। এছাড়া চট্টগ্রাম বন্দর হাসপাতালের জরুরি বিভাগে ০২-৩৩৩৩০২২৪, ০১৭০৩-২৮৪৯৬৯ নম্বরে যোগাযোগ করা যাবে;

(অপর পৃষ্ঠা দ্রষ্টব্য)

ঠ) চট্টগ্রাম বন্দর থেকে ডেলিভারি কার্যক্রম ত্বরান্বিত করার জন্য পরিবহন বিভাগ, শিপিং এজেন্টস, সিএন্ডএফ এজেন্টস, বার্থ অপারেটরস, টার্মিনাল অপারেটর, শিপ হ্যান্ডলিং অপারেটরস এবং অন্যান্য বন্দর ব্যবহারকারীগণ এর কার্যক্রমে সর্বাত্মক সহায়তা প্রদানের লক্ষ্যে স্বাস্থ্যবিধি মেনে ব্যাংক, কাস্টমস কর্তৃপক্ষ, কোয়ারেন্টাইন, এটমিক এনার্জি কমিশনসহ সংশ্লিষ্ট সকল বিভাগ প্রয়োজনীয় ব্যবস্থা গ্রহণ করবেন;

ড) শিপিং এজেন্টস ও ফ্রেইট ফরওয়ার্ডারগণ সিএন্ডএফ এর কার্যক্রমে বা ডেলিভারি কার্যক্রমে সহায়তা প্রদানের লক্ষ্যে ন্যূনতম জনবল রেখে স্বাস্থ্যবিধি মেনে ডিও ইস্যু করার ব্যবস্থা নিবেন;

ঢ) বিজিএমইএ, বিকেএমইএ, এফবিসিসিআইসহ সকল আমদানীকারকগণ বন্দর থেকে কন্টেইনার/ কার্গো ডেলিভারী চালু রেখে বন্দরের কার্যক্রম সচল রাখাসহ নিত্যপ্রয়োজনীয় দ্রব্যাদি ডেলিভারী অর্থাৎ দেশের সাপ্লাই চেইন অব্যাহত রাখতে সার্বিক সহযোগিতা করবেন;

ণ) বিকডা এর সদস্য অর্থাৎ প্রাইভেট অফডকগুলো চট্টগ্রাম বন্দর থেকে কন্টেইনার/ পন্য আমদানী রপ্তানী কার্যক্রমে সহযোগিতা করার জন্য স্বাস্থ্যবিধি মেনে ২৪x৭ অফডকগুলো চালু রাখার ব্যবস্থা নিবেন;

ত) বাংলাদেশ রেলওয়ে ঢাকা আইসিডিগামী কন্টেইনার পরিবহনের জন্য ২৪x৭ ওয়াগন সরবরাহ ও কন্টেইনার/পণ্য পরিবহন অব্যাহত রাখবেন।

থ) বন্দরের অভ্যন্তরে ওয়ান ষ্টপ সার্ভিস সমূহে স্থাপিত বিভিন্ন ব্যাংকের বুথসহ ন্যূনতম জনবল দিয়ে খোলা রাখার ব্যবস্থা নিতে হবে;

দ) বন্দর কার্যক্রমের সাথে সংশ্লিষ্ট বেসরকারী আইসিডি/অফডক, শিপিং এজেন্টস, ফ্রেইট ফরওয়ার্ডারস, সিএন্ডএফ এজেন্টস, বার্থ অপারেটর, টার্মিনাল অপারেটর ও শীপ হ্যান্ডলিং অপারেটর প্রতিষ্ঠানসমূহের শ্রমিক, কর্মকর্তা-কর্মচারীদের নিজস্ব কর্মস্থলে যাতায়াতে প্রয়োজনীয় সহযোগিতা করার জন্য সংশ্লিষ্ট সকল আইন প্রয়োগকারী সংস্থাকে অনুরোধ করা হলো;

ধ) সকল বিভাগীয় প্রধান জরুরি বিষয়ে হ-ফাইলিং এর মাধ্যমে দৈনিক কাজ সম্পাদনের ব্যবস্থা গ্রহণ করবেন এবং ই-মেইল, টেলিফোনের মাধ্যমে যোগাযোগ রক্ষা করবেন। পরিচালক (প্রশাসন), চবক এবং সচিব, চবক বন্দর ভবন এর অফিসের কার্যক্রম সমন্বয় করবেন। ন্যূনতম প্রয়োজনীয় সংখ্যক কর্মচারী উপস্থিত রাখার ব্যবস্থা গ্রহণ করবেন। সকল কর্মচারী বর্ণিত সময়ে কর্মস্থল ত্যাগ করবেন না;

ন) অর্থ বিভাগ সকল কর্মকর্তা-কর্মচারীর বেতন-আনুতোষিক ইত্যাদি নিয়মিত পরিশোধের ব্যবস্থা গ্রহণ করবে;

প) কোন কর্মকর্তা/কর্মচারী করোনা সন্দেহে স্যাম্পল টেস্ট করতে দিলে নেগেটিভ রিপোর্ট না পাওয়া পর্যন্ত তিনি অফিসে উপস্থিত থাকার হাত বিরত থাকবেন। স্যাম্পল দাতাদের তালিকা প্রধান চিকিৎসা কর্মকর্তা, চবক আন্তঃযোগাযোগ গুপে প্রদান করবেন এবং বিভাগীয় প্রধানগণ স্যাম্পল দাতাদের নেগেটিভ রিপোর্ট না পাওয়া পর্যন্ত অফিসে উপস্থিতি বিরত রাখা নিশ্চিত করবেন। বিভাগীয় প্রধানবৃন্দ অধীনস্থ সকলের মাস্ক ব্যবহার নিশ্চিত করবেন এবং “নো মাস্ক নো সার্ভিস” নীতিমালার যথাযথ প্রতিপালন নিশ্চিত করবেন;

ফ) বিভাগীয় প্রধানগণ প্রধানমন্ত্রীর কার্যালয় হতে ২৯ মার্চ, ২০২১ তারিখের ১২৪নং স্মারকের প্রজ্ঞাপনের ১৮ দফা নির্দেশনা প্রতিপালন নিশ্চিত করবেন। সংশ্লিষ্ট বিভাগীয় প্রধানবৃন্দ এবং পুরকৌশল বিভাগ বন্দর ভবন এবং বন্দরের বিভিন্ন স্থাপনায় স্থাপিত হাত ধোয়ার ব্যবস্থা সচল রাখবেন এবং ব্যবহার নিশ্চিত করবেন;

ব) চট্টগ্রাম বন্দরের অভ্যন্তরস্থ খাবারের দোকান/ক্যান্টিন খোলা থাকবে। ক্যান্টিন হতে পার্সেল পদ্ধতিতে খাদ্য গ্রহণ করতে হবে, ক্যান্টিনে বসে খাওয়া যাবেনা;

ভ) পরিচালক (নিরাপত্তা) চবক চট্টগ্রাম বন্দর থেকে পণ্য অর্থাৎ কার্গো দেশের বিভিন্ন প্রান্তে পাম্পকারী ট্রাক/লডিতে বিশেষ ধরনের স্টিকার লাগানোর ব্যবস্থা করবেন যাতে তারা পণ্য পরিবহনে সড়কে বামেলা মুক্ত থাকে। প্রদত্ত স্টিকার ১৪-৩০ এপ্রিল কার্যকর থাকবে মর্মে মেয়াদ উল্লেখ থাকবে;

স) অথরাইজড অফিসার, চবক স্বাস্থ্যবিধি প্রতিপালনের জন্য বন্দর অধিক্ষেত্রে নিয়মিত মোবাইল কোর্ট পরিচালনা করবেন;

য) চট্টগ্রাম বন্দরের অপারেশনাল কার্যক্রম কন্টেইনার/ কার্গো পরিবহন ২৪x৭ সাত্তরিক রাখার লক্ষ্যে চট্টগ্রাম বন্দর কর্তৃপক্ষের নিয়োক্ত কর্মকর্তাবৃন্দের সাথে জরুরী প্রয়োজনে যোগাযোগ করা যাবেঃ-

ক). পরিচালক(পরিবহন)- মোবাইল-০১৮২৪৬৬৬৪৫০

খ). পরিচালক (নিরাপত্তা)- মোবাইল-০১৭৩৩২২৮২৬৫

ৱ) সদ্য নির্মিত আনসার ব্যারাকে জরুরী ভিত্তিতে আইসিডি ইউনিট স্থাপন করতে হবে। উৎসৃষ্ট বিষয়ে প্রধান চিকিৎসা কর্মকর্তা, প্রধান প্রকৌশলী এবং পরিচালক(বিওয়া) প্রয়োজনীয় ব্যবস্থা গ্রহণ করবেন।

ল) বন্দরের সকল মসজিদে ওয়াক্তের নামাজ ও তারাবিতে স্বাস্থ্যবিধি মেনে ইমাম, মুয়াজ্জিন ও সহকারী মুয়াজ্জিন সহ সর্বোচ্চ ২০ জন মুসল্লী নামাজে অংশ গ্রহন করবেন। আগত মুসল্লীরা বাসা হতে অযু করে নিজ নিজ জায়নামাজ সঙ্গে নিয়ে আসবেন। চবক এর সকল মসজিদের সভাপতি ও সাধারণ সম্পাদক স্বাস্থ্যবিধি প্রতিপালন নিশ্চিত করবেন।

সভায় আর কোন আলোচ্যসূচী না থাকায় সকলকে ধন্যবাদ জানিয়ে সভার সমাপ্তি ঘোষণা করা হয়।

চেয়ারম্যান

চট্টগ্রাম বন্দর কর্তৃপক্ষ।

তারিখঃ ১৩/০৪/২০২১ইং।

নং-১৮.০৪.০০০০.১৮৪.২৯.১২৮.২০২০/২০৭

অনুলিপিঃ অবগতি ও প্রয়োজনীয় ব্যবস্থা গ্রহনের জন্য।

- ১। সকল সদস্য, চবক।
- ২। সকল বিভাগীয় প্রধান/উপ-বিভাগীয় প্রধান/শাখা প্রধান, চবক।
- ৩। অথরাইজড অফিসার ও নির্বাহী ম্যানেজিং অফিসার, চবক।
- ৪। সিস্টেম এনালিস্ট, চবক- চবক ওয়েব সাইটে প্রকাশের জন্য।
- ৫। অধ্যক্ষ, বন্দর কলেজ ও বন্দর মহিলা কলেজ, চবক।
- ৬। প্রধান শিক্ষক/শিক্ষিকা, বন্দর কর্তৃপক্ষ উচ্চ বিদ্যালয় ও বন্দর বালিকা উচ্চ বিদ্যালয়, চবক।
- ৭। প্রধান শিক্ষক/শিক্ষিকা, সকল প্রাথমিক বিদ্যালয়, চবক।
- ৮। সভাপতি/সাধারণ সম্পাদক, চট্টগ্রাম বন্দর কর্মচারী পরিষদ(সবিএ), চবক।
- ৯। সভাপতি/সাধারণ সম্পাদক, চবক এর সকল মসজিদ কমিটি।
- ১০। সভাপতি/সাধারণ সম্পাদক, বন্দর পূজা মন্দির পরিচালনা কমিটি ও বন্দর বৌদ্ধ বিহার পরিচালনা কমিটি।
- ১১। পিএ-টু চেয়ারম্যান, চেয়ারম্যান, চবক মহোদয়ের সদয় অবগতির জন্য।
- ১২। অফিস কপি।

২৩/৪/২১

পরিচালক (প্রশাসন)

চট্টগ্রাম বন্দর কর্তৃপক্ষ।

২০১৯-২০ ইং